

المجامع

مجمع نيقية

مقال عن مجمع نيقية ... أول مجمع مسكوني في الكنيسة ردّ فيه القديس أناسيوس على بدعة أريوس و اكتب فيه قانون الإيمان اللي بيشرح طبيعة السيد المسيح

بطاقة المجمع

 **الزمن :** سنة 325م

 **المكان :** قصر قسطنطين في قرية صغيرة اسمها نيقية (في تركيا حالياً)

 **الملك :** قسطنطين اللي الكنيسة بتلقّبه بالملك البار

 **الهراطقة :**

○ أريوس (كاهن محروم من كنيسة الإسكندرية)

 **البدع :**

○ بدعة أريوس اللي أنكر لاهوت السيد المسيح (قال إنه مش مساوي للآب في الجوهر، بل هو مخلوق)

 **أبطال الإيمان :**

○ القديس أناسيوس الرسولي (الشّماس اللي أصبح بعد كده البطريرك #20)

 **القرارات :**

○ وضع قانون الإيمان (صياغة لاهوتية لتعليم الإيمان اللي اتسلّم من الرسل) لحد (نعم نؤمن بالروح القدس)

○ موعد عيد القيامة (اتفقوا إنه يبقى يوم الأحد اللي بعد فصح اليهود)

○ زواج الكهنة (أقرّوا ب صحة زواج الكهنة)



انتهى عصر الاستشهاد بمنشور ميلان اللي أصدره الملك قسطنطين و فيه الحرية الدينية لكل ... لكن الكنيسة لم تهناً كثيراً، سرعان ما انتشرت البدع و الهرطقات من جوة الكنيسة ... و أولها و أخطرها بدعة أريوس اللي بينكر لاهوت السيد المسيح

قبل المجمع



الجزء التاريخي الخاص بأريوس قبل المجمع

التاريخ



أحداث المجمع

قبل المجمع

انتشار بدعة أريوس

- أريوس اتولد في ليبيا و دّرس في الإسكندرية و بعد كده راح أنطاكية
- كان موهوب في الشعر و الخطابة
- رجع إسكندرية وقت البابا بطرس خاتم الشهداء ... و البابا بطرس رسمه شقّاس
- بعد كده أريوس بدأ فكره و هرطقته، و الكنيسة حرمته
- البابا بطرس جاب تلميذه (أرشيلوس و ألكسندروس) قبل ما يستشهد و حدّهم من قبول أريوس (بناء على رؤيا شافها)
- للأسف البابا أرشيلوس اللي جه بعده صدّق توبة زائفة من أريوس ... بل رّسمه كاهن!
- البابا أرشيلوس جلس على الكرسي 6 شهور بس و تنيَّح و جه بداله البابا ألكسندروس اللي وقف قدام أريوس

- للأسف ساعتها بدعة أريوس كانت انتشرت جداً
- أريوس كان قساً فصيحاً بليغاً مؤثراً في الناس ... قدير مش بس يستميل ناس من الشعب بل أتباع كثير من الأساقفة حتى في كل العالم

طبعاً جزء من السبب إن كثير من اللي آمنوا بالمسيحية كانوا بيؤمنوا بالفلسفة اليونانية القديمة ... و دي بتؤمن ب(لوغوس) لكنه أقل من الله ... للأسف هم حاولوا يوفقوا بين اعتقاداتهم القديمة و بين المسيحية، عشان كده بدعة أريوس لاقت صدى عندهم

تصدّي كنيسة الإسكندرية

البابا ألكسندروس جّع الكهنة كلهم (حتى أريوس) و شرح الثالوث بطريقة صحيحة ... و أريوس اعترض بغرور لأنه كان متقوياً بأتباعه ... البابا ناقشه لكنه لم يقتنع، و استمر يعلم تعاليمه الفاسدة ... فحرمه البابا ألكسندروس

- أريوس قاوم الحرمان و قال إنه مش معترف بالسلطان الكنسي ... و بضغط أتباعه دخل الكنيسة ككاهن و استمر في تعليمه
- البابا قاوم تعليمه ... فأريوس ساب إسكندرية و راح أنطاكية
- من هناك بدأوا يبعثوا رسائل للإمبراطور قسطنطين ضد البابا ألكسندروس و قالوا إنه هايقسم الكنيسة
- الإمبراطور قال لأسقف إسبانيا (أوسابيوس) يروح إسكندرية يشوف الموضوع ده
- أوسابيوس راح و قعد مع البابا ألكسندروس و مع أريوس ... و قال للإمبراطور إن تعليم أريوس في غاية الخطورة و إنه انتشر جداً
- قسطنطين قال لازم نعمل مجمع من أساقفة العالم كله

موقف الكنائس الأخرى من بدعة أريوس

مش بس في كنيستنا ... فيه كنائس تانية كثير اقتنعت و تمسكت بالإيمان السليم سواء قبل أو بعد المجمع

- زي القديس هيلاري أسقف رومانيا (في كتابه: عن الثالوث)
- و كمان الآباء الكبادوكيين (زي القديس باسيليوس الكبير و القديس إغريغوريوس الناطق بالإلهيات)
- و كمان القديس أمبروسيوس أسقف ميلانو (معلم القديس أوغسطينوس)
- و كمان القديس كيرلس أسقف أورشليم

التاريخ

- أساقفة العالم كانوا أكثر من 1000 ... جه منهم ممثلين عن كل منطقة
- الـ 318 أسقف دول اجتمعوا في قصر قسطنطين في قرية صغيرة اسمها نيقية (في تركيا حالياً)
- كان ساعتها الموقف الرسمي لكنيسة إسكندرية و أنطاكية و روما ضد بدعة أريوس

معجزات في المجمع

ربنا تدخّل في هذا المجمع بمعجزات واضحة جداً

القديس نيقولاوس


- أحد الحاضرين في المجمع كان القديس نيقولاوس أسقف ميرا (سانتا كلوز) ... كان ساعتها كبير جداً في السن
- لم يحتمل أثناء الجلسة اللي شرح فيها أريوس أن يسمع كلام هرطقته ... فضربه على فمه ... قسطنطس غضب من الموقف و عاقبه بيوم في السجن من غير إنجيله و القلنسوة بتاعته

- ظهر المسيح و العذرا للقديس نيقولاوس في السجن و جابوا له الإنجيل و القلنسوة ... و دخل ثاني يوم الجلسة عادي

إسود على أبيض

- أسقف قبرص برضه كان موجود و كان راجل بسيط ... جه معاه تلميذه و كانوا راكبين حمارين (واحد إسود و واحد أبيض)
- بيّتوا في السكة في أوتيل
- الأريوسيين شافوهم و حاولوا يقنعوهم بالأريوسية لكنهم رفضوا
- عشان يمنعوه من الحضور، دبحوا الحمارين بالليل و الناس نائمة
- ثاني يوم لما صبي الأسقف و تلميذه لقوا الحمارين مدبوحين و راسهم قدّامهم ... الأسقف قال لتلميذه: شيل راس الحمار حطّها عند جسمه و أنا هاصليّ و ربنا هايتمجّد
- و فعلاً الحمار رجعت له الحياة ... و نفس الكلام للحمار الثاني
- المعجوة اتعرفت لما دخلوا المدينة ... لأن التلميذ ماخادش باله و حط راس الحمار الإسود على جسم الحمار الأبيض و العكس

بطل الأرثوذكسية



- أريوس بدأ يشرح تعليمه ... و يردّ عليه القديس أنثاسيوس ... كل ما أريوس يقول آية بتفسير خاطئ، كان أنثاسيوس يردّ عليه بآية بتفسير سليم
- أريوس و اللي معاه استخدموا حوالي 20 آية من الكتاب المقدس فهموها غلط عشان يحاولوا يثبتوا رأيهم
- كان فيه أساقفة بين البينين (كانوا بيؤمنوا بلاهوت المسيح لكنهم بيقولوا إنه مش مساوي للآب في الجوهر)
- القديس أنثاسيوس تصدّى لهم و فسّر الآيات بطريقة صحيحة وضحها في كُتُب بعد كده ضد الأريوسيين
- القديس أنثاسيوس بعد كده قال عن المجمع: كنت كثيراً ما أرفع ذهني بالصلوات حتى لا يتلوّث بفكر أريوس
- المجمع انبهر بكلام أنثاسيوس و وصفوه إنه بطل الأرثوذكسية

أنثاسيوس كان صاحب تعبيرات لاهوتية دقيقة جداً ... قدر بيها يكشف زيف و ضلال الأريوسيين صمّم على جملة: "إن الابن مساوي للآب في الجوهر" ... و الأريوسيين ماقدروش يوافقوا عليها

و يحتالوا ... و يبدّلوا كلمة **مساوي (أوموسيوس)** بكلمة **مشابه (أومويسوس)** ... فارق حرف كان يبوّظ الدنيا كلها ... البابا أثناسيوس الوحيد اللي رفض الكلمة دي

نتيجة المجمع

- المجمع ابتدا بحضور الإمبراطور قسطنطين
- المجمع استمر 3 شهور
- عدد الأساقفة المؤيدين لأريوس من الـ 318 أسقف كانوا 7

بعد شرح أثناسيوس كانت نتيجة المجمع: حرم أريوس و وُضع قانون الإيمان

ما بعد المجمع

للأسف الأريوسية لم تنتهي هنا ... استمرّت كبدعة تلاقي استحسان ناس كثير رغم رَفْضها من الكنيسة

- بعد ما مات أريوس أتباعه استخدموا العنف الشديد ضد كل من يقاومهم
- كمان الأريوسية كان ليها تاثير سياسي لأن أساقفة قرييين من الإمبراطور قسطنطين (زي أوسابيوس القيصري و أوسابيوس النيقوميدي) كانوا أريوسيين
- ده اللي خلّى القديس أثناسيوس يتعرّض للنفي من الإمبراطور 4 مرات ... و خلّى كنيستنا المصرية تتعرّض لاضطهادات هانتكلّم عنها في مقال منفصل بنعمة ربنا